

मुख्यमंत्री उमर अब्दुल्ला हों गलाया ऐ जे एह् उन्दे प्रशासन दी जिम्मेवारी बनदी ऐ जे इस गल्ला गी यकीनी बनाया जा, जे सरकारी स्कूलें च पढ़ने आहलें विद्यार्थियें गी प्राइवेट स्कूलें च पढ़ने आहले विद्यार्थियें आहला लेखा सारियां सहूलतां ते मौकें मिली सकन। कल श्रीनगर दे इक प्राइवेट स्कूल आसेया आयोजित Techknow 2025 कार्यक्रम दे समापन समारोह गी सम्बोधत करदे होई मुख्यमंत्री हों गलाया जे एह् साहड़ी जिम्मेवारी ऐ, केह अस इस गल्ला गी यकीनी बनाचे जे सरकारी स्कूलें च पढ़ने आहले विद्यार्थी न छड़े पूरे भारत दे कन्नै सगुआं दुनिया भर दे विद्यार्थियें कन्नै बेहतर प्रदर्शन करी सकन। उन्नै विद्यार्थियें दे कौशल दी सराहना कीती ते सरकार दी इस वचनबद्धता, विद्यार्थियें गी आधुनिक सिखलाई, मनसूई ज्ञान ते नमियां काहड़ा कड़्डने सरबन्धी शिक्षा दिती जाग गी फही पक्का कीता। एहदे मगरा मीडिया कन्नै गल्ल करदे होई मुख्यमंत्री हों आखेया



Seva Parv- Renew & Clean

सेवा ते सुशासन दे मूलमंत्र पर आधारित केन्द्र सरकार तरक्की ते सकारात्मक बदलाव आनने लेई लगातार जतन करा रदी ऐ। मुख्य भरे च शुरु “सेवा पर्व” दे तैहत इस खास श्रृंखला च अज्ज अस गल्ल करगे जे परती-परतियें बरतने आली “अक्षय ऊर्जा ते स्वच्छ ऊर्जा बारे”। पिछले किश समें थमां भारत नै इस पेठा टकोहदा कम्म कीता। प्रधानमंत्री नरेन्द्र मोदी हों स्वच्छ ऊर्जा ते स्वच्छ तरीकें राएं आवा-जाही पर जोर पाया। उन्नै आखेया

मार्च 2014 थमां जून 2025 अक्षय ऊर्जा दी समर्थ गी लगभग 3 गुणा करियें 226 इशारिया 8 गीगावाट कीता गया। मौजूदा समें च गैर जीवाशम, ईंधन दे स्रोत जिन्दे च अक्षय ऊर्जा ते परमाणु ऊर्जा बी शामिल ऐ इसलै मुख्य दी ऊर्जा सरबन्धी समर्थ च 49 फीसद योगदान देया रदे न। हर घंटे इक लक्ख 8 हजार गीगावाट सौर ऊर्जा दी पैदावार होआ रदी ऐ जेदे राएं भारत त्रीया दुनिया दा सब्भनै थमां बड़डा सौर ऊर्जा उत्पादक बनी गया ऐ।



GST Reforms

वस्तु ते सेवा कर दियें दरें च हाल च कीती गेदी कटौती दी घोषणा दा सब्भनै सोआगत कीता ऐ। जम्मू-कश्मीर दे लोकें बी इस फैसले दा सुआगत कीता ते इसी आम आदमी लेई बड़ी मती राहत आहला करार दिता। प्रधानमंत्री नरेन्द्र मोदी हों स्वतंत्रता दिवस दे मौके पर इन्नै सुधारें दी घोषणा कीती ते GST परिषद दी बैठक नै इसी 3 सितम्बर गी मंजूरी दिती। इन्नै सुधारें तैहत Tax Slabs गी सखल्ला बनाया गया ऐ ते खास करी ध्यान जरूरी चीजें बस्ते आहले सैक्टर पर दिता गया ऐ। अज्ज अस राई-बाई आहले सैक्टर च कीते गेदे सुधारे दी गल्ल करगे जिसदे कन्नै करसानें गी लाह होग। 18 सौ CC थवां घट्ट आहले ट्रैक्टर पर हुन 12 फीसद दे बजाए 5 फीसद टैक्स लगगोग। Tyres, Tubes, Hydraulic Pumps पर हुन 5 फीसद टैक्स लगगोग, जेड़ा

पैहले 18 फीसद दी सलैब च हे। इक मुकामी व्यक्ति नै GST दी इनें दरे खास करी राई-बाई आहले सैक्टर च कीती गेदी कटौती दा सुआगत करदे होई आखेया..

<><><><><><>

CM Engineer's Day

मुखमंत्री उमर अब्दुल्ला होरें जम्मू-कश्मीर च बिजली दी कमी घट्ट करने ते जम्मू-कश्मीर दी अर्थव्यवस्था गी मजबूत बनाने लेई पन-बिजली समर्थता उप्पर ध्यान केन्द्रत करने उप्पर जोर पाया ऐ। शेर-ए-कश्मीर अंतराष्ट्रीय कन्वेंशन सैन्टर च आयोजत 58 इंजीनियर दिवस दे मौके कट्ट गी सम्बोधत करदे होई मुखमंत्री होरें गलाया जे बिजली दी पैदावार ते सेई तरीके दी बंड कन्नै जम्मू-कश्मीर दा आर्थिक विकास मुकम्मल होग। इंजीनियर दिवस दा आयोजन भारत च हर बरे 13 सितम्बर गी भारत रत्न Sir M. विश्वेश्वराय हुंदा इस क्षेत्र च अनमूला योगदान देने लेई उन्दे प्रति आभार प्रगट करने लेई उन्दी जयंति दे मौके उप्पर मनाया जंदा ऐ। इस मौके उप्पर बोलदे होई मुखमंत्री होरें आखेया

<><><><><><>

Dy. CM

उपमुखमंत्री Surinder Choudhary होरें कल Institution of Engineers Jammu मुकामी केन्द्र च आयोजत ठुजमें इंजीनियर दिवस दे कार्यक्रम गी सम्बोधत कीता। इस मौके उप्पर बोलदे होई उपमुखमंत्री होरें सब्भनें इंजीनियरें ते तकनीकी माहिरें गी देश दे बाद्धे विकास दे कम्मा च अपना बेहतरी प्रदर्शन करने लेई आखेया। भारत रत्न Sir. M. विश्वेश्वराय हुंदी जयंति दे समारोह दौरान बोलदे होई उप-मुखमंत्री होरें आखेया

<><><><><><>

CS –NH Review

जम्मू-श्रीनगर राष्ट्रीय जरनेली सिडकें पर खराब मौसम करी बने दा हालात दे मद्देनजर मुख सचिव अटल डुल्लू होरें इक उच्च सतह दी बैठक लाइयें कम्में कारवाइयें सप्लाई चैन ते जरुरी चीजें बस्ते आहली गइडियें दी आवा-जाई दा जायजा लैता। मुख सचिव होरें जम्मू दे डिविजनल कमीशनर हुंदे थवां राष्ट्रीय जरनेली सिडक NH-44 दी मौजूदा स्थिति बारे जानकारी हासिल कीती। उनेंगी जानकारी दिती गई जे सिंगल लेन आहले रस्ते च आशिक तौर पर आवा-जाई ब्हाल होई ऐ। इस सिडक गी चानचक्क आए दे हाई करी बड़ा मता नुकसान पुज्जा ऐ। उनें हिदायत कीती जे सिडक गी ब्हाल करने आहले कम्में पर हर इक स्तह पर नेइमी तक्क रक्खी जा ते रोजै-स्थाबै इसदी रिपोर्ट बी जमा करोआई जा।



Ayush Udha

आयुष विभाग नै ICDS ते Rotary अस्पताल दी सांझ-भ्याली कन्नै उधमपुर दी रामनगर तहसील दे Ghagote गां च महिलायें लेई इक सेहत कैम्प दा आयोजन कीता। एहदे च मकामी महिलायें दी सेहत सरबन्धी जांच कीती गई ते जिनेंगी लोड़ ही, उनेंगी दवाइयां बी दितियां गेइयां। लोड़चदे दी अक्खियें दी मुफ्त जांच कीती गई ते चश्में बी बंडे गे। जिला आयुष अधिकारी Dr. Shipra Gupta होरें गलाया जे महिलायें गी सरकार दी बक्ख-बक्ख सेहत सरबन्धी स्कीमें बारे जानकार करना लाज़मी ऐ। उनें आक्खेया



Programme-Announcement

सेवा पर्व 2025 दे तैहत आयोजित बक्खबक्ख कार्यक्रमें ते गतिविधियें दे इक हिस्से दे तौरा पर आकाशवाणी दा क्षेत्रीय- समाचार एकांश जम्मू औंदी 17 सितम्बर गी दपैहरी 12:30 बजे 30एं मिनटें दी इक वशेष परिचर्चा प्रसारत करने जा'रदा ऐ- जेहदा विषय सार ऐ -"आर्थिक सुधारें कन्नै विकास गी थोआरदी नमी गति"। इस कार्जक्रम च स्टाड़े परौहने होगन -जम्मू युनिवर्सिटी च Economics Dept. दे HOD Prof. Dipanker Sengupta होर जेड़े इस विषय दे माहिर न, बक्ख-बक्ख पैहलुएं पर लौ पागन। उन्दे कन्नै गल्ल करगन साहड़े न्यूज एंकर-जगमोशन शर्मा ते कुणाल श्रीवत्स। 30एं मिनटे दा एह कार्यक्रम 17 सितंबर गी दपैहरी 12:30 बजे प्रसारत कीता जाहग, जिसी तुस स्टाड़ी FM फ्रिक्वेंसी 100 इशारिया 3 मैगाहर्ट्स ते कन्नै मीडियम वेव 303 मीटर यानि 990 Khz पर बी सुनी सकदे ओ।



News Read By : Shruti Khajuria and Poonam Dogra

Composed by : Rajni Devi

Skilled : Rajat Paul

Editor : Kunal Shrivatsa

